


565885

kat.komp.

I

Mag. St. Dr.



AD ILL^{MVM} AC R^{MVM} DOMINVM
D. IOANNEM
ZAMOYSKI,
ARCHIEPISCOPVM
LEOPOLIENSEM.

In primum sui Archiepiscopatus ingressum.

Gratulatio.

M. ADAMI OPATOVII, IN ACADEMIA
Cracouiensi Professoris.



CRACOVIAE,
In Officina Lazari, Bazylus Skalski.
Anno Dñi 1604.

22.
184

D I O N I S I

A M O Y S K I

ARCHIEPISCOPVM

TOLENTINVM

565885

Gratulatione.

I-h.

M. ADAMIO CRATOVI IN ACADEMIA

Cyano. P. 10. 10. 10.



1963 K 711/6

CRACOVIA

In Officina Typographica, Bazylinska 10.



GRATVLATIO.



VANTAM LÆTITIAM, VNI-
uerso Polonorum Regno, opta-
tissimus nuncius, de sublimi, tuif-
que amplissimis virtutibus ac me-
ritis, debito honore delato, acce-
ptus attulerit: Ill: Antistes, cū ex illa recēti supe-
rioris temporis voluntatum significatione intel-
ligi potuit, cū summa dignitate viri, omnis itē
ordinis, ac conditionis, suis in te certantes stu-
dijs gratulabundi accurrebant: tū verò die ho-
dierna, ex hoc celeberrimo Illustrium virorum
comitatu, quem tui Archiepiscopatus urbem in-
grediēs, vndiquaq; circumfusum ducis, & ex hac
omnis generis ac ætatis multitudine tibi obuiā
effusa, certò animaduerti potest. Quam enim
lætitiā gestientis animi, summi ac nobilissimi
Regni huius viri, intra suas domos continere non
valebant; eam vt hoc tam celebri tempore decla-
rarent ac testarentur, frequentissimi adsunt; nul-
la aut remotissimi itineris difficultate ac mole-

stia deterriti, aut rerum domesticarum cura retardati; tibi præsto sunt, te honoris causa, cum longis ac splendidè instructis famulorum ordinibus deducunt, tibi hanc amplissimam dignitatem, ornamento, & saluti, cuenire gratulantur. Ipsa verò Leopoldis, tui Archiepiscopatus sedes, veteris squaloris & lachrymarum oblita, suis propè conuulsa sedibus, ad tuum complexum videtur procedere, cum ex augustissimis & religiosissimis templis, magnifico plenoque religionis ornatu, veneranda sacerdotum agmina emittit; cum inclytum Senatum, & semper ingenij laude, liberaliumq; disciplinarum gloria longè celeberrimum producit: cum omnis ordinis, fortunæ, loci, infinitam hominum multitudinem, vultu & oculis commune gaudium designantem, è suis moenibus ac portis effundit. Ad extremum effusiones hominum ex oppidis, concursus ex agris patrumfamilias cum coniugibus & liberis, viæ frequentia hominum vndiq; confluentium celeberrimæ, accessus ad urbem incredibili gratulatione florentissimus; nonnè satis & abundè inusitatam

inufitatam lætitiæ voluptatem videntur designare? cùm quocunq; progredieris, quocunq; oculorum aciem reflectis; omnia lætitiā, faustis acclamationibus personare exaudis. Et quamuis non ignoro, plurimos summo ingenio viros, summaq; dicendi copia præditos, & iam esse, & olim longè plures futuros, qui & hanc insignem lætitiā, & solennem huius diei festiuitatem, ad æternam posteritatis memoriam consecraturi sint; erit tamen credo, & huic nostræ mediocritati locus, conatusq; hic, in tuis præsertim prope diuinis laudibus recensendis, cùm multorum fauore ac beneuolentia fouebitur, ac prouehetur; tum verò tua Ill. An: incredibili lenitate animi, studiosisq; ingenijs abundè explorata augebitur atq; efflorescet. Et cùm sint multiplices, eadēq; diuersæ causæ, quæ die hodierna in omnium animis, hanc tantam, tamq; iucundissimam voluptatem concitant, adaugentq; ; duæ tamen primariæ, omnium sermone celebrantur, atq; in primis omnium propè literarum monumentis celebrabuntur, quòd Ecclesia orbata, grauissi-

A 3 moq;

moq; confecta luctu, desideratum Archiepiscopum suo complexu recipiat: atq; equidē eum, qui sit illis antiquissimis, & sanctissimis maioribus, & vitæ sanctimonia, & scelerum odio, & iustitiæ amore, & veteris disciplinæ cupiditate, per quam simillimus. Quis enim post luctuosam mortem, illius optimi & omni immortalitate dignissimi Archipræfulis, non ardentissimis votis, primo quoq; tempore, non dissimili probitate, successorem exoptabat? Quis renunciatum quamprimū intueri, & coram affari, illiusque admirabilem clementiam, & vultu, & sermone, & toto deniq; corpore prominentem, admirari, non summopere desiderabat? Quis ingressuro, non aut quā longissimè obuiam cum suis omnibus procedere, aut signis monumentisque pulcherrimis publicam viam exornare, ipsumq; vrbis forum erectis ad pulchritudinem singulari opere artificū columnis, instruere, ex animo non cupiebat? Quæ tam præclara desideria, cū hoc longè omnium iucundissimo tempore, felicissimi ingressus tui expleta ac perfecta sunt, merito

meritò vniuersi læticijs omnibus incedunt, meritò hos tuis summis virtutibus honores exhibent, meritò hæc tanta, quanta maxima possunt, tuo in animas regimini, insignia ac trophæa publicæ hilaritatis constituunt. Sed cùm hos exultantes animorum motus ex te optimo principe, diuino beneficio, magnoq; consilio Serenissimi Regis, Ecclesiæ oblato, concitados esse intelligam; operæpretium me facturum arbitrabor, si commemoratione tuarum Heroicarum virtutum, ad conceptam in animis voluptatem continuandam, & perpetua memoria recolendam, quasi signum quoddam dederò. Quod quidem, meæ quamuis mihi tenuitatis conscius, eò libentius, & audacius suscepi; cùm ea sit rerum à te præclare ac fortiter gestarum magnitudo; vt ei nulla ingenij & orationis vbertas, nullus verborum lepos, nulla grauitas sententiarum, quadam ex parte possit sufficere. Et quanquam te non maximi æstimare sciam, præstantissimas nobilitatis imagines, & ea ornamenta familiæ, quæ ipsi non fecimus, sed virtute & industria
maio-

maiorum parta retinemus; non patiar tamen, quin nobilissimi generis tui splendorem, oratione mea commemorem. Hoc etenim, inter ornatissimos Polonæ gentis homines, & nominis sui celebritate, & inclyti generis antiquitate, & iam longè lateq; ad remotissimas nationes, diffusa rerum tuarum gestarum gloria, resplendet. Postea quam enim, nobilitatis tuæ decus, tanquam facem per manus à maioribus traditam recepisti, hoc vnum, in illa ætate nondum consilio & ratione firmata agebas, hoc sedulus cogitabas; ne non modo aliquo in negotio, abiectio & degeneri animo, illius luminis claritatem perfringeres: sed quo in grauissimis Reipub: muneribus, excelsi ac inuicti animi magnitudine, ac dexteritate, in maius accenderes. Nec ab hoc tam laudabili proposito, supremi rerū omnium moderatoris Dei, præsentissimum numē absuit: maximarū enim rerum, ac difficillimarum munera, à Serenissimis Poloniae Regibus commissa, summa omnium cum admiratione sustinēs, nouo quodam & inusitato meritorum & laudis lumine.

mine, genus tuum illustrasti. Cuius rei, iam tum
nō mediocria dabas signa, cū incertā ac lubri-
cam adoleſcētiæ ætatem ingreſſus, acerrimum
bellum, cum ijs blandimentis geſſiſti, quibus hæc
ætas capi ac deliniri ſolet. Atque, vt Poetæ me-
moriæ prodiderunt, Herculem nuper in lucem
editum, duos ingētis magnitudinis angues, cū
ad ſe ſuffocandum magno cum impetu volue-
rentur, exſertis è cunis manibus prehenſos cōlli-
ſſe, atque opreſſiſſe: ita tu nouus Hercules, lu-
xurantiū affectuum perturbationes compri-
mebas, blandiſſima voluptatum lenociniā remo-
uebas, ipſaſque teterrima flagitiorum portenta,
tanquam certiſſimas optimarum mentium per-
niciēs, iugulabas. Poſtquam verò, ex illo opti-
mo impuriſſimi Imperatoris magiſtro, inaudi-
ueras, quòd generoſos animos labor nutriat, &
quòd otium ſine literis mors ſit, & hominis viui
ſepultura; conſeſtim depoſita ex animo rerum
cæterarum cura, ad ſalutaria optimarum artium
præcepta, & aures, & animum, & omnem cogi-
tationem, cōtulīſti, primaſque literarum tyrociniā

in Academia Cracouiē deposuisti. Tandem, quæ toto orbe disciplinarum Gymnasia, Romæ nimirum, & Parisiis celeberrima feruntur; in his complures per annos, excellētis cuiusdam cum ingenij celeritate, & multiplicis doctrinæ admirabili cognitione, commoratus es. Cùm verò, iam illud ætatis tempus venisset, quo Respub. & cōsilio tuo, & opera, vti poterat, non in longum differēs eius desideria moratus es, sed siti adhuc, & cupiditate, destinatarum animo scientiarum flagrans, quam celerrimè accurristi. Vt facile intelligerent omnes, quòd illam gloriosam profectiōem, huius solius causa, suscepas, ex cuius nutu & voluntate eandem moderaberis. Graui tunc mœrore, & acerbissimo luctu, regnum vniuersum afflictum squallebat, immaturam mortem Sigismundi Augusti optimi & fortunatissimi Regis deplorans, præcipuè verò, de summa rerum pertimescens, cùm & in Rege surrogando cōsiliōrum poeniteret, & exortæ seditionum procellæ, (ita vt fit, vbi Reges absunt,) propè in dies ingrauescerent. Diuina tamen misericordia, ha-

dia, harum tempestatum moderator, & animo, & consilio, & facto, magnanimus vir, Iacobus Vchanfcus, Archiepiscopus Gnesneñ obtigerat: qui cùm alijs permultis magna prudentia, & doctrina viris; tum verò te recens conspecto, & plurimum adamato, ad illos dissensionum fluctus tranquillandos, sæpenumero utebatur. Præcipuè verò, cùm maioris & minoris Poloniæ & nobilitate, & existimatione, amplissimi homines, quibusdã de causis, hostilem in modum iracundia exarserant, & iam eò animis propendebant, vt rem ad arma deducerent, & in sua viscera sæuirent: Ecce autem, vbi tu ab illo prudentissimo Primate Regni, missus legatus ades, tuamq; de rebus commissis sententiam cum dignitate explicare incipis; continuò illæ turbarum moles subsidunt; irarum æstus, auidissimi ciuiũ sanguinis refrigescunt: odia inueterata, & in apertum discrimen armorum erumpere cupientiã, franguntur, & deponuntur; omnesq; se tuæ potestati permittunt, omnes te suæ causæ, atq; iuris cognitorem decernunt, omnes dubiæ & contro-

uersæ litis, arbitrum constituunt. Summis laudibus, adolescens Curtius, à scriptoribus P. R. extollitur, quòd se in hiatū terræ, qui vrbi lethalem pestem adflabat, pro salute ciuium deuotū præcipitem egerit: hoc verò tuum præstantissimum factum, quo adolescens domestici belli incendium extinxisti, à ciuium iugulis districtos gladios repulisti, innumeros ad cædem destinatos conseruasti; quibus tam honorificis verbis, quibus tam dignissimis laudū prædicationibus, rerum in Polonia gestarum scriptores, celebrabunt? Postquam verò, veteribus adhuc inimicijs, laborātis regni gubernacula, bellicosissimus, plurimisq; victorijs clarissimus Rex, Stephanus Batthoræus, suscepit, pro consuetudine inauguratorum Principum Christianorum, non prius ad negotia regni multis difficultatibus impedita, animum adiecit; quàm virum aliquem integritatis, & eruditionis spectatissimæ, cum legationis munere, ad sanctissimam Sedem Apostolicam mitteret. Quem autem, hoc negotio pleno dignitatis commodius ornaret, præter te, re-
perie-

periebat neminem : tu illi vnus, suauissima morum grauitate, tu mirifica scientiarum copia & varietate, tu summa prudentia, ad publicas res cum dignitate gerendas, cæteros antecellere videbare. Quod tu, non grauatur, & tanti Regis & Reipub: causa suscepisti, susceptum singularibus & ad id à natura concessis & animi & corporis donis gessisti. Iucundè audiebat Sanctissimus Pontifex, Gregorius XIII. tuam illam dicendi grauitatem, illamq; orationis vim commodè luminibus distinctam & illustratam, qua apud illum regis mandatum exponebas : admirabatur amplissimus orbis terrarum Senatus, tanta sapientia viros, in hac Sarmatici cæli inclementia reperiri : quos verò, ad tuam consuetudinem aliquantum admittebas, hi humanitatis ac beneuolentiæ tuæ suauitate deuincti, nunquam iucundissima coniunctione tua expleri valebant. Quare, quod olim Cn: Pompeium, in partibus Asiæ cum imperio versantem, suis nobilissimis virtutibus præstitisse M. T. refert, quòd eum sicut aliquem, non ex illa vrbe missum, sed de cælo delapsum,

intuebantur, & quòd tunc denique incipiebant credere, fuisse homines Romanos, hac quondam abſtinentia, quod iam nationibus exteris incredibile, & falſo memoriæ proditum videbatur. Ita tu, cum maximis Reipub: mandatis, in illis locis morans, ſummis ornamentis honoris, virtutis, ingenij, doctrinæ effeciſti; vt te non ex hac gente, ſed ex alia oriundum arbitrarentur; & quæ opinio de noſtrorum hominum barbarie, & morum aſperitate, illius præcipuè nationis mentes occupauerat, eam tu non inuitis eripuiſti; vt hic paſſim, inter doctos emanaret ſermo, periculum eſſe, ne humanitatis & literarum ſtudia, cum elegantia, & morum comitate, in noſtram penitus commigrarent regionem. Quod legationis munus tam præclare conſectum, quam eſſet gratum Regi, cùm ex innumeris illius in te liberalitatis, & magnificentiæ proſectis argumentis, vniuerſi conijciebant; tum verò perſpicuè intellexerunt, cùm, vix dum ſuperiori itinere collectum puluerem excuſſeras, vix valetudinem multis viarum incōmodis afflictam receperas, cùm
iterum

iterum cum maximis præmijs, ad euocandos celeberrimos tota Italia scientiarum professores, à Rege Dantiscum oppugnante legaris. Quod sapientissimi Regis factum, non eo consilio, vt quidam interpretabatur, susceptum erat, tanquam in Academia ingeniorum, vtriusq; linguæ, omnisq; solidioris doctrinæ foetus repressus, exustulque flos, siti veteris vbertatis exaruisset: sed quo Christiani orbis principibus planum faceret, se quoque præstantissimis rebus, affectare viam ad gloriam, & in earum comparandam copiam, Regias quoque opes effundere paratum esse. In cuius rei testimonium, te apello. Ill. An: qui tunc illius consiliorum particeps, & illius negocij transigendi pars magna eras, (quem si aliter dicerem, impudentiæ meæ testem compellare non aude-rem,) quàm æquo animo, quàm hilari vultu, eam rem quamuis non ex animo transactam tulerit, quàm sibi abundè satisfactum esse credebat, quòd ab hoc tam eximio studio, ad hominum famam & existimationem, doctissimorum virorum commendatione, & iudicio paulò latius profue-

profluebat. Quo munere perfunctus, cùm alias ex aliis curas, & difficultates, mutuò se excipientes, Regis imperio sustinebas, & optatissimo fini reddebas, tum verò, cùm ita arduæ, & difficiles causæ Reipub: postularēt, ad Archiduces Austriæ & Principes imperij legatus discedis. Quo in negotio dici non potest, quàm te solertē, quàm strenuum, quàm fidū, tuo Regi præbuiſti, quàm Repub: dignissimum, propter illam tuam, in omni actione seruata auctoritatem, & prudentiam admirabilem: quàm deniq; illis omnibus amabilem, propter accomodatissimam ad hominum voluntates excipiendas, & pertractandas, viuendi consuetudinem. Cùm verò innumerabiles casus, incertiq; euentus valetudinis ad omnium mortalium perniciem coniurant, nec cuiquam satis cautum est, quid vitet in horas, maximè verò, cùm

Pallida mors, (vt Lyricus canit) æquo pulsat pede, pauperum tabernas, Regumq; turreſ. Batthoræus ille, religionis, auctoritatis, fortitudinis, prudentiæ, planè regiū exemplar, alienissimo Reipub.

Reipub: tempore moritur, virtutum suarum triste vniuerso regno desiderium relinquens. Hoc tam inopinato nuncio, omnes regni ordines perculsi, atq; exanimati, postquam ex consuetudine conuocati accurrerūt, omnes tibi vna voce ad Rodolphum II. Imperatorem, tristissimi nuncij legationem demandarunt. Proficisceris tu, nulla recusatione vsus, & facie & cultu corporis, acerbissimum mærentis animi dolorem, vnâ cum tuo comitatu referens, & in quaui itineris parte, mæroris tui singularia vestigia relinquens. Vbi verò tibi Imperatoris ad eundi potestas facta est, & vbi plena grauitatis voce, duram sortem famulatus tui, & grauissimum regni ex optimi regis interitu mœrorē significabas, atq; adeò cum ex frequenti regis cōmemoratione, oculi tibi lachrymis suffundebātur; ipse Imperator cum suis proceribus, diu cælatum dolorem continere non valens, collachrymauit. Vt primū autem, delatas sibi regni habenas, pientissimus ac prope diuinus princeps, Sigismundus Rex (qui nunc foelicissimè regno præest, atq; vtinā, quod

omnes communis salutis causa, & Reipub: & illius, velle & optare debemus, quam diutissime præsit,) regendas suscepit, primum omniū, quod ita publicæ vtilitati expedire animaduerneret, de viro, magno rerum vſu exercitatissimo cogitare coëpit, & ſolicite inquirere, cui tutiſſimò ad Turcarum Imperatorem mandata daret: ſed poſt multas prudentiſſimi Regis conſultationes, quas cum primarijs regni ſenatoribus cōmunicauit, vnus tu omnium volūtate ac iudicio, tanto muneris aptiſſimus, repertus es. Itaq; tibi clementiſſimus Rex, hoc totum operoſum negotium, verbis diligentiſſimis cōmendat, & in tuos humeros reclinat. Succediſ impoſito muneri, vultu nō mutato, qui ſecundū Deum, nihil vnquam Patria, & Rege tuo charius, nihil religioſius, nihil ſanctius æſtimabas, nec quicquam magnitudine ſua, tam laborioſum, aut præſentis periculi formidine tam horrendum ducebas, quod eorum cauſa adire recuſares. Quod voluntatis tuæ deuotum ſtadium, hoc cōprimis legationis tempore declaratum eſt, cū iter illud, à prædonibus

bus & hominibus facinorosis obsessum intrepidè, & sine aliqua aut comitatus, aut fortunarum iactura euasisti, aut cū in ipso loco, falsò tibi obiectas per imprudentiam contumelias, & ea quæ tibi creabantur pericula sapienter, moderatè, tollerasti atq; superasti. Quis non exhorresceret, si falsi nunciij crimine insimularetur? quis animo non cōcideret, si ea opinio maioribus indies confirmaretur rumoribus? quis non contremisceret toto corpore, cū videret hospitij sui fores a custodia Imperatoris hostili diligentissimè obseruari? quis sibi ad extremum constaret, si dies atq; noctes, anno ferme integro, in tanta trepidatione transigendæ essent? Tu hæc omnia, tu ipse, Ioannes Zamosci, inuictò ac excelso animo, sustinuisti, cū illam nescio cuius crebris sermonibus vsurpares sententiam, tuosq; ad benè sperandum animares: Omnia bonis auspicijs geri, quæcunq; pro Patria gerantur. ò vocem verè ingenuam, & liberali homine dignam: quæ enim in illa morum feritate, conuenientior dici, aut excogitari potuit? quæ aptior reperiri, ad

tuam illam nobilissimam familiam, ex metu cō-
sternatam, erigendam atq; consolandam? Sed
cū tandem fallaciarum caligines, veritatis lu-
ce discussæ sunt, & dolus apertus, omniumq; ser-
mone, etiam in vulgus emanauit, te verum ac le-
gitimum Regni Poloniæ legatum esse: qui tum,
quàm honorifici, quàm celeberrimi, Proce-
rum illius imperij concursus ad te fiebant,
quantis & quàm copiosis verbis, & sui animi, &
Imperatoriae voluntatis, studia tibi deferebant:
ipse ad extremum Imperator, summo te honore
affectum, & maximis muneribus ornatum, cum
suis ad Regem responsis dimisit. Reditus verò
tuus quàm gratus fuerit benignissimo Regi, quā
Reipub: gloriosus & salutaris, propter fidelissi-
mum studium, curamq; diligentissimam, in tan-
to officio, tantoq; munere probatam; quis erit
tanto ingenij flumine, & tanta orationis copia,
qui se consequi posse fateatur? Sed dum adhuc,
tuorum in Rempublicam meritorum, iucunda
recordatio, in omnium ore versatur, nuntiatur
de hostium numerosi exercitus irruptione, & à
foris-

fortissimis viris, qui in illis partibus pro pace publica excubant, quotidie literæ afferuntur, quibus de hostium immanissima crudelitate significabatur, & qua ratione agros, & prædia, ferro & igni vastarent, ac depopularentur, nobilissimos viros fortunis omnibus deijcerent, ac expellerent: oppida, Ciuitates incenderent: Ciues sociosq; nostros, in seruitutē abducerent, familias abriperent, pecora abigerent. Habuit eo tempore, mitissimus Rex, æquissimas foederis rumpendi, & belli inferendi causas; sed cū sciret sapientis esse, prius consilio quàm armis experiri; te iterum, in Turciam cōquestum de grauissimis iniurijs, prædis, rapinis, latrocinijs, crudelissimi exercitus ablegat. Quam Reipub: causam quanta prudentia egeris? quanto consilio promoueris? hoc vnum apud omnes locupletissimè testatur. Quòd enim, illam Regni partem, hucusq; tranquillam & pacatā habeamus, quod liberi agrorum cultus, quòd illæ solitudines cāporum iam frequentissimè habitentur, tam liberè excolantur; magnam partem tuæ summæ

virtuti, & prudentiæ, acceptā referre debemus. Quo in loco, quin exclamem, non possum mihi persuadere; singulari immortalis Dei beneficio, datum esse Reipub: Zamosciorum genus, & nomen, ad libertatem gentis Polonæ tuendam: quos enim regni fines foelicissimus, & semper in dubijs Reipub: temporibus reseruatus, exercituum Dux, armis profert, & conseruat: eos hic præclarè, & sapienter legationes obeundo, externa finitimorū amicitia, confirmat & stabilit. Quod quidem illis, vtinam omnium misericordiarum clementissimus Deus, faxit proprium & perpetuum. Quid verò? præteream ne? in hac amplitudine tuorum immortalium gestorum, locupletissimam amoris tui in Academiam testimonem, quam rediens iterum à negocijs Turcicis exhibuisti? Plurimis te discedentem, Imperator Turcarum donauerat preciosis rebus, multa veste stragula, & magnificis operibus picta, varia suppellectile aurea & argentea, præcipuè verò quodam vase argenteo inaurato, operis præclari, & grandis pōderis, quod sui apud te perpe-

tuam memoriā refricaret. Hoc tu, *θερετ' ἡμεῖς* studens Academiae persolvere, & memor, ea te non potuisse consequi, nisi olim puer illius fidelissimis praeceptis imbutus esses, quod carissimū habuisti, & tuis laboribus & periculis partum, redonasti. Quam quidem pietatem tuam, & aeterna memoria colemus, & singulis anni partibus, pro Regni, ac Regis nostri foelicissimo successu, cæterisq; Academiae patronis, supplicantes Deo, tibi quoq; preces nostras non defuturas pollicemur. Atq; equidem perfuncta amplissimis rebus, ætas tua ingrauescens, & in senium deuexa, meritò à Repub: tanquam in portum, non inertiae, sed ocij moderati, atq; honesti cōfugere debebat, & quod reliquum vitæ erat, in repetenda de integro studia insumere. Quod quidem tibi pro tuis maximis, & infinitis in Rempub: meritis, vel instar præmij concedi debuit. Et enim, si Romani milites, qui quadragenastipēdia in bello meruissent, ex lege iuramento soluebantur, illisq; ex publico alimenta præbebantur: si Athenis in Prytaneo ciues, propter singulare beneficium, Reipub:

Reipub: præstitum, curis vacui alebantur; tu qui omnem cursum melioris vitæ, in tot legationibus regni consumpsisti, illarumq; curis, laboribus, vigilijs, senectutem tibi acceleraſti, nonè tantò æquius, ex hac vitæ conditione moleſta & laborioſa, in ocium & ſolitudinem, cum dignitate te conferre poteras? Equidem hoc tibi pro tuâ autoritate licitum fuit: ſed cum iam ante, vniuerſas fortunas, vitam deniq; & ipſum ſpiritum Reipub: ſaluti addixeras, noluiſti deeſſe optimi Regis voluntati, noluiſti requiſitum ſtudium denegare patriæ, duasq; grauiſſimas legationes, tantquam pulcherrimas tuorum maximorum operum coronides in ætate matureſcente expediuiſti. Primum quidem enim ad Rodolphum Imperatorem II; deinde ad Beatiffimum Pontificẽ Clementem VIII. legatus proſectus es. Quarum nobilitatis prædicationem, vnde potius exordiar? an à prudentia, quę tibi in rebus difficillimis, tanquam Homerica Pallas Vlyſſi, præſto ſemper adfuit? an à dexteritate, qua in rebus conficiendis plurimum valuisti? an à ſumma vitæ integritate

tate, innocentia, temperantia, animi magnitudine, cæterisq; virtutibus, quibus in his locis, tanquam decus & ornamentum Polonæ gentis splenduiſti? an à mirifica morum manſuetudine, qua omnium in te amores traxiſti? an deniq; à communium literarum, ac politioris humanitatis ſcientia, quam in te ibi omnes, & agnoſcebant, & admirabantur? Quodcunq; horum, ſi exorſus fuero, non tam ſuis laudibus exornare, quàm enarrare, citiùs orationem meam, à verborum copia, quàm rerum amplitudine, deſtitui poſſe confido. His rebus tam prudenter, ac proſperè abſolutis, decreuiſti faſtidioſam deſerere copiam, ſplendoriq; & ſtrepitui, glorioſæ aulæ renunciare, nec ea bona perſequi, quæ hæredi, æterni ſupplicij laqueos, induere conſueuerunt; ſed quicumq; vitæ curſus reſtabat, eum in Chriſti ſaluatoris miniſterio, illiusq; religionis propagatione cõficere ſtatuisti. Et cùm pro tuis amãtiſſimis ſtudijs, pro laborib; vtiliſſimis Reipublice nauatis maxima tibi præmia debebãtur, tu qui nulla priuata cõmoda patriæ inferuiẽs querebas,

omnia speciosa abdicasti, religioniq; S. Benedicti constanter addictus, Abbatem te Plocensem fieri æquo animo tulisti. Iactat se P. R. de Fabiorum, Scipionum, continentia animi, quod hi in publicis negocijs magnifico sumptu utebantur, in priuatis verò minimo contenti, tenuissimo cultu vivebant: nos verò non iactabimus nos, de hac tua in vita priuata despicientia rerum, qui in negocijs regni, maximas opes circumferre videbare? Et quidem tantò magis, quantò tu, hac ipsa cōtemptione, à magnitudine animi ducta, toties delatum tibi Episcopatum recusabas, nec ad eam dignitatem accipiendam, ornatissimorum Regni Senatorum, atque in his Cardinalis Radiuili, magni & consilij, & iudicij viri, persuasionibus, autoritate adduci poteras. Donec tandem Regis munificentissimi, & in conferendis dignitatibus prudentissimi, maiestas effecit, vt Archiepiscopatum Leopolicē susciperes. Ex quo quis non videt? quanta hoc tempore inter omnes gaudia? quantæ gratulationes vigeant? quàm fausta de tua salute omina suscipiantur?

Gaudet

Gaudet nunc, in illa beatorum religione, & sanctimonia, (ad quā illum demigrasse speramus) diuinus animus, optimi & sapientissimi Archipræsulis, Ioannis Demetrij Solicouij, antecessoris tui, & præ alijs cælitibus lætitia exultat, quod sibi à tali succedatur, à quali maximè cupiebat, & qualem è vita discedens, illamq; æternitatem spectans, descripsit cum obtestatione, in extrema ad suum Regem voluntate. Gratulatur sibi eum dignitatis consortem, qui quemadmodum & ipse, cum imperio, dignitateq; Regni, plurimas casq; remotissimas regiones obiuit, maximaq; vitæ discrimina, pro salute communi adiuit. Exultat, triumphatq;, quòd pietatis, cultus diuini, salutis animarum, diuinæque sapientiæ, parem sibi studio, & amore successorem fortia-
tur: numenq; beatissimum, quòd coràm intuetur, & cuius amore liquefcit, pro tuæ incolumitatis, & virtutum incremento supplex precatur. Gaudēt nobilissimi atq; bellicosissimi totius Roxolaniæ viri, quòd Archiepiscopū, nō modò orationis splendore, iuris diuini interpretē, virtutis &

vitiorū arbitrum, æternorū suppliciorū denūtiatorem, cælestis gloriæ præconem, sed ducem & autorem vita & exēplo habituri sunt: omnesq; erectis in Deum animis vouent, breui te, propicio Deo effecturum, & sanctitatis & eruditionis celebritate; vt non modò Roxolania atq; Græcia, cognito errore, ad vnitatem religionis Christianæ redeant: sed reliquæ nationes, impio falsorum Deorum cultui deditæ, repudiata superstitione, Christo initientur. Gaudet, vehementerq; lætatur, Academia vetustissima altrix & alumna Principum, quod ab illius doctrina & institutione, ad hoc dignitatis culmen profluxeris, quod non pauci viri, illius monitis amantissimis instructi, cum dignitate, pietateq; commemorabili tenuerunt: & cū intelligat, perinultum Reipub: interesse, vt iuuentus, certissimum omnium ordinum supplementum, spes futuræ Reipub: bona fide, non simulata sedulitate, ad maiorum instituta, veteremq; disciplinam erudiatur, quantum ingenio, industria, labore, in summa rerum mediocritate cōiti potest, contendit

tendit atque elaborat : conaturq; etiam impendijs augere muneris largitatem, cum, qui maximus fructus & delectatio docentis est, alumnis disciplinæ, summæ potestates & imperia regni, mandantur. Quod vt tibi inprimis salutis, Ecclesiæ Dei honori, Reipub: Polonæ ornamento sit, & iam sacris aduoluta altaribus, conceptisq; votis exoptat, & in posterum, indiētis tuo nomine supplicationibus, hæc eadem vt tibi integra ac perpetua seruet Deus, optimosque vitæ dies largiatur, fuis ad Deum Optimum Maximum, ex animo precibus exoptabit.

AD EVNDEM ILLVSTRISSIMVM D.
VOTVM ACADEMIÆ.

MAGNE parēs, numē supremū, immēsa potestas,
Tramite qui certo euoluis conuexa Polorum,
Alternāq; diem, tenebras & luce gubernas,
Omnes quiq; foues, vultu placidoq; serenas,
Qui cōmune bonū, laudis qui publicæ honorē
Consilijs augent rectis, ani moq; tenaci:
Militis aut sæui horrendum stridentibus armis,
D S Sanguis

Sanguineã à Patriã arcētes, cum clade procellã:
 Mentēs aut teneras, ad spēm virtutis alendo,
 Imperijq; decus, magnorum & facta parentum,
 Blandis doctrinæ monitis, grauibuscq; camœnis:

O Pater, ô Doctûm norma, ô Sapiētia vera,
 Musarum soboles, sacrați interpres Olympi,
 Oraclûm populi, regnorum gloria certa,
 Mobilis ætatis moderatrix arte frequenti,
 Orat adesse velis, in vota effusa precesq;ue,
 Et cupit, vt dones quæ Antistite digna precatur,
 Æmula quem virtus, flammis stimulatā beatīs
 Magnanimû Heroem de gente ZAMOSCHORVM,
 Per mirãda rapit Sanctorum exempla virorum,
 Ad studium pietatis auitum, ad ouilis amorem
 Concessi rarum, ad fidei curamq; sagacem,
 Atq; ad opes miseris in paup̃ertate rogandas:

Da Pater, auspicijs lætis, primordia rerum,
 Felicemq; inferre pedem, inlatumq; tenere
 Optatō cursu, suprema ad tempora vitæ:
 Munere da fungi, cum nominis incremento
 Hic & vbiq; tui: regionibus attamen illis
 Quêis summus Præsul, populo dat iura fideli:

Quem

Quem decus ingenii, Graiæ facundia linguæ,
Romanusq; lepos, mirâ grauitate rotatus,
Et rerum pondus, fœcundo pectore manans,
Relligioq; vetus, morum probitate relucens,
Extulit ad gelidos illustri laude Triones:

Da vitæ soles decurrant lumine læto,
Et vireat, defessa annis, renouata senectus,
Da mentes hominū stygio ex prædone receptas
Inferat ordinibus longis, ad lucida regna,
Cœlicolū & reparet mortali sorte ruinas:
Ipseq; da redeat longum expectatus ad astra,
Magnorum functus meritorum munere sancto,
Luna velut Solis, virtutum luce refulgens,
Te Pater, æternum spectans, sine fine fruatur.




1/11


1/11

1/11

F

2803 k. 12





Biblioteka Jagiellońska



stdr0010295

